



NATIONAL SENIOR CERTIFICATE EXAMINATION
NOVEMBER 2018

SISWATI LULWIMI LWASEKHAYA: LIPHEPHA II
SISWATI HOME LANGUAGE: PAPER II

Sikhatsi: 3 Emahora

Emamaki: 100

TICONDZISO

1. Leliphepha lemibuto linemakhasi la-3.
 2. Phendvula yonkhe imibuto ngeSiswati lesemukelekile.
 3. Hlela kahle umsebenti wakho ubuye ubhale ngesandla lesifundzekako.
 4. Leliphepha lemibuto lehlukaniswe tigaba letimbili, Sigaba A kanye neSigaba B.
 5. Sigaba A sinemamaki la-60, Sigaba B sona sinemamaki la-40.
 6. Fundzisisa kwekutsi leso naleso sigaba siphendvulwa kanjani.
 7. Cala leso naleso sigaba ekhasini lelisha.
 8. Bhala linani lemagama lowasebentisile ekugcineni kwaleyo naleyo mphendvulo yakho.
-

SIGABA A TEMIBHALO**UMBUTO 1 UMDLALO*****Tigigaba Talomhlaba: S. R. Nsibandze***

Khetsa umbuto ube munye kulena lelandzelako, ubhale ngawo indzatjanambhalo lenemagama la-300 kodvwa angabi ngetulu kwala-350. (Bhala linani lemagama ekugcineni kwemphendvulo yakho.)

- 1.1 "Ayikho imphunga yelihlatsi". Hlola lesaga ubhekise emphilweni yaDlamini kusukela ekucaleni kute kube sekugcineni kwalomdlalo.

NOBE

- 1.2 Bhala indzatjanambhalo ubhekise etinkingeni letikhona kulomdlalo nendlela badlali labatisombulula ngayo. Bhala ngetinkinga leti-3.

[30]**UMBUTO 2 INOVELI*****Bungani bebangani: S. M. Magagula***

Khetsa umbuto ube munye kulena lelandzelako ubhale ngawo indzabambhalo lenemagama la-500 kodvwa angabi ngetulu kwala-550. Ungakhohlwa kulandzela timiso tekubhalwa kwenzabambhalo. (Bhala linani lemagama ekugcineni kwemphendvulo yakho.)

- 2.1 "Sala kutjelwa sibona ngemopho." Bhala indzabambhalo lapho uhlatiya khona lesaga ubhekise etentweni nasetincumeni taThuli. Veta kutsi leto tento netincumo tamenta waphetsa njani emphilweni.

NOBE

- 2.2 Inchubekelembili yengcikitsi yalenzaba yeyeme kakhulu kulabalingisi labalandzelako: Thuli, Siphawe, Sdudla. Bhala indzabambhalo wesekele lombono.

[30]**60 emamaki**

SIGABA B EMATHEKSTHI EMBHALOMBIKO

Phendvula imibuto ibe **MIBILI** kulesigaba. Imphendvulo yakho akube ngemagama la-250–300 ngaphandle kwelikheli, sibingelelo nesiphetfo nangabe kuyincwadzi. (Bhala linani lemagama ekugcineni kwemphendvulo yakho.)

UMBUTO 3 IKHOLOMU

Lapha endzaweni yangakini lizinga lekungatiphatsi kahle kwebafundzi etikolweni lenyuke kakhulu. Sive asisati kutsi sente njani ngalenkinga. Bhala ikholomu lotayishicilela ephephandzabeni langakini ngalenkinga lenibukene nayo.

[20]**UMBUTO 4 INDZABA**

Bhala indzaba lenalesihloko lesitsi, "Lebengikwenta ngemaholide".

[20]**UMBUTO 5 INCWADZI**

Sikolo sakho asikenti kahle emicudzelwaneni yetemidlalo kulomnyaka lophelile. Ubese ubona kuncono ubhalele lowengamele temidlalo esikolweni, uvete imibono yakho lengasita kutsi sikolo sente ncono. Yibhale lencwadzi.

[20]

40 emamaki

Samba: 100 emamaki